



ԱՄԵՆԱՊԱՏԻՎ Տ. ԾՆՈՐՀԻ ՍՐԲԱԶԱՆ ՊԱՏՐԻԱՐԿ ՀԱՅՈՑ ԹՈՒՐԿԻԱՅԻ



**ԹՈՒՐԻՔԻԱՅԻ ՀԱՅՈՑ ԱՄԵՆԱՊԱՏԻՎ Տ. ԾՆՈՐՀՔ
ՄՐԲԱԶԱՆ ՊԱՏՐԻԱՐԺԸ ՄԱՅՐ ԱԹՈՌՈՒՄ**

Ժ Ա Մ Ա Ն Ո Ւ Մ

Սեպտեմբերի 9-ին, երկուշաբթի օրը, երեկոյան ժամը 18-ին, Ամենայն Հայոց Վեհափառ Հայրապետի հրավերով, Մայր Աթոռ է ժամանում Թուրքիայի հայոց պատրիարք ամենապատիվ տ. Ծնորհք արքեպիսկոպոս Գալստյանը:

Արքազան պատրիարքին ողեկցում էին Կ. Պոլսի Նարլըզաբու թաղի և Հովհաննէս եկեղեցու հոգևոր հովիվ տ. Հովհան քհն. Իսթանպուլյանը և նույն եկեղեցու թաղական խորհրդի ատենապետ տիար Գևորգ Հակոբյանը:

Արքազան պատրիարքին ընկերակցում էր նաև Ավստրալիայի և Նոր Զելանդիայի հայոց թեմի առաջնորդ տ. Գարեգին եպս. Գազանճյանը:

Թուրքիայի հայոց արքազան պատրիարքին և նրան ողեկցող անձանց Երևանի օդանավակայանում, հանուն Հայոց Հայրապետի, ողջունեցին և բարի գալուստ մաղթեցին Արարատյան թեմի առաջնորդական փոխանորդ տ. Կոմիտաս արքեպ. Տեր-Ստեփանյանը, Ադրբեջանի հայոց թեմի առաջնորդ տ. Վահան եպս. Տերյանը, Մայր Աթոռի դիվանապետ տ. Արսեն եպս. Բերբերյանը, հոգևոր ճեմարանի նախկին տեսուչ տ. Արիս ծ. վրդ. Ծիրվանյանը, «Էջմիածին» ամսագրի քարտուղար տ. Եզնիկ արքեղա Պետրոսյանը և Մայր Աթոռի միաբաններ տ. Մասիս արքեղա Գալստյանը, Գրիգոր սրկ. Քեշիշյանը և Աղվան սրկ. Գասպարյանը:

Արքազան պատրիարքին օդանավակայանում դիմավորում և բարի գալուստ է մաղթում նաև Հայկական ՍՍՀ Մինիստրների սովետին առընթեր հայ եկեղեցու գործերի խորհրդի նախագահ պրն. Սարգիս Գասպարյանը:

Մայր տաճարի դռան առաջ արքազան պատրիարքին ողջունում և բարի գալուստ են մաղթում Մայր Աթոռի միաբանները, Մայր տաճարի լուսարարապետ տ. Հուսիկ եպս. Սանթրոքյանի գլխավորությամբ, և առաջնորդում Մայր տաճար, ուր Վեհափառ Հայրապետը բարիգալստյան և ողջույնի խոսք է ասում՝ ողղված Թուրքիայի հայոց արքազան պատրիարքին:

Արքազան պատրիարքը պատասխան խոսքով շնորհակալություն է հայտնում Վեհափառ Հայրապետին, կրկին Մայր Աթոռ և Էջմիածին և մայր հայրենիք այցելելու իրեն տրված պատեհ առիթի համար:

Այնուհետև Վեհափառ Հայրապետն ու արքազան պատրիարքը եկեղեցական թափորով առաջնորդվում են Վեհարան:

ՈՒՆՏԱԳՆԱՅՈՒԹՅՈՒՆՆԵՐ

Սեպտեմբերի 17—18-ին, երեքշաբթի և չորեքշաբթի օրերին, Թուրքիայի հայոց պատրիարք տ. Ծնորհք արքեպ. Գալստյանն ոխտազնացության է մեկնում Տաթև վանք:

Սրբազան պատրիարքին ողեկցում էին տ. Արիս ծ. վրդ. Ծիրվանյանը, տ. Մասիս արդ. Գալստյանը, տ. Հովհան քհն. Իսթանպուլյանը և տիար Գև. վորգ Հակոբյանը:

*
*
*

Սեպտեմբերի 19-ին, հինգշաբթի օրը, Թուրքիայի հայոց պատրիարք տ. Ծնորհք արքեպ. Գալստյանն ուխտագնացության է մեկնում ա. Գեղարդ վանք:

Սրբազան պատրիարքին ողեկցում էին տ. Մասիս արդ. Գալստյանը, տ. Հովհան քհն. Իսթանպուլյանը և տիար Գևորգ Հակոբյանը:

*
*
*

Սեպտեմբերի 25-ին, չորեքշաբթի օրը, Թուրքիայի հայոց պատրիարք տ. Ծնորհք արքեպ. Գալստյանը ուխտագնացության է մեկնում Հաղպատի և Սանահնի վանքեր:

Սրբազան պատրիարքին ողեկցում էին Մայր Աթոռի միաբաններ տ. Հմայակ ծ. վրդ. Ինդոյանը, տ. Գրիգորիս արդ. Բունիաթյանը, տ. Հովհան քհն. Իսթանպուլյանը և տիար Գևորգ Հակոբյանը:

ՈՂՋԵՐԹԻ ԸՆԴՈՒՆԵԼՈՒԹՅՈՒՆ

Հոկտեմբերի 2-ին, չորեքշաբթի օրը, ժամը 15-ին, Վեհաբանի սեղանատանը, ի պատիվ Թուրքիայի հայոց պատրիարք տ. Ծնորհք արքեպ. Գալստյանի, տրվում է ողջերթի ճաշկերույթ, որին ներկա են լինում տ. Կոմիտաս, տ. Հուսիկ, տ. Զգոն, տ. Գարեգին, տ. Արսեն, տ. Նարեկ, տ. Հմայակ, տ. Արիս, տ. Ներսես սրբազանները և այլ հրավիրյալներ:

Ողջերթի սույն ճաշկերույթին ներկա է լինում նաև Հայկական ՍՍՀ Միևիստրների սովետին առընթեր հայ եկեղեցու գործերի խորհրդի նախագահ Ս. Գասպարյանը:

Ընդունելության ժամանակ ողջերթի ջերմ խոսքեր են ասում Վեհապատ Հայրապետը և պրն. Ս. Գասպարյանը:

Այնուհետև ամենապատիվ տ. Ծնորհք սրբազան պատրիարքը Հայոց Հայրապետին ողղված շնորհակալության և երախտագիտության խոսք է ասում՝ իր նկատմամբ ցույց տրված ջերմ ընդունելության և հոգատարության համար:

Ողջերթի սույն ճաշկերույթն ավարտվում է ջերմ մթնոլորտում:

Մ Ե Կ Ն Ո Ւ Մ

Հոկտեմբերի 8-ին, հինգշաբթի օրը, ժամը 13-ին, իր շքախմբով Մոսկվա է մեկնում Թուրքիայի հայոց պատրիարք տ. Ծնորհք արքեպ. Գալստյանը, ուր նա մի քանի օր լինելու է ռուս պրավոսլավ եկեղեցու հյուրը:

Սրբազան պատրիարքին Երևանի օդանավակայանում բարի ճանապարհ են մաղթում Մայր տաճարի լուսարարապետ տ. Հուսիկ եպս. Սանթրոյանը, Մայր Աթոռի դիվանապետ տ. Արսեն եպս. Բերբերյանը և «Էջմիածին» ամսագրի քարտուղար տ. Եզնիկ արդ. Պետրոսյանը:

Տ. Ծնորհք սրբազան պատրիարքին ճանապարհում է նաև Հայկական ՍՍՀ Միևիստրների սովետին առընթեր հայ եկեղեցու գործերի խորհրդի նախագահ Ս. Գասպարյանը: